



UNIVERSITÄTS-
BIBLIOTHEK
PADERBORN

Universitätsbibliothek Paderborn

Eginhartvs De Vita Caroli Magni, Animadversionibvs Illvstratvs

Bessel, Friedrich
Reinhard, Johann Friedrich

Helmeftadii, 1667

Cap. XXVI.

urn:nbn:de:hbz:466:1-10996

pturam reddidi: effigiandis literis assuesceret. Vocis usus frequens Prudentio, adhibitus etiam Ammiano lib. xiv. p. 12. edit. Vales. Iſo Magiſter Gloſſis in Prudent. Hym. x. v. 4. Effigiaſti, ſinxiſti.

C A P. XXVI.

* Duo hæc
verba ab-
ſunt à MS.

* MS. qua-
ad.

* MS. cu-
rabatque
magnepe-
re.

Religionem Christianam quâ ab infantiâ fuerat imbutus, sanctiſſimè, & cum ſummâ pietate * ac veneratione coluit, ac propter hoc miræ pulcritudinis basilicam Aquisgrani exſtruxit, auroque & argento & luminaribus, atque ex ære ſolido cancellis & januis ornavit. † Ad cuius ſtructuram cum columnas & marmora aliunde habere non poſſet, Româ atque Ravennâ devehenda curavit. † Eccleſiam mane & veſperi, nocturnis item horis & ſacrificii tempore, * quando eum valetudo permiferat, impigrè frequentabat: * curabatque, ut omnia quæ in eâ gerebantur, cum quam maximâ fierent honeſtate, ædituos creberri-
mè commonens, ne quid indecens aut ſordidum aut inferre aut in eâ remanere permitterent. † Sacrorum vaſorum ex argento & auro, veſtimentorumque ſacerdotilium tantam in eo copiam procuravit, ut in ſacrificiis celebrandis ne janitoribus quidem, qui ultimi eccleſiaſtici ordinis ſunt, privato habitu miniſtrare necesse fuiſſet † Legendi atque pſallendi diſciplinam diligentiſſimè emendavit: erat enim utriuſque admodum eruditus: quanquam ipſe nec publicè legeret, nec niſi ſubmiſſè & in commune cantaret.

ANIMADVERSIONES

AD CAP. XXVI.

Religionem Christianam quâ ab infantiâ fuerat imbutus.) Repetit hæc verba Marianus Scotus ad ann. 808. Et facile ardor ejus cognoſci poteſt ex eò, quod non ſolum vulgatam Bibliorum verſionem per Alcuinum emendavit, ut Sigebertus ad ann. 790. & poſt eum ex Capitularibus probat Cæſar Baronius ad ann. 778. ſed etiam quod quatuor Evangeliſtas ante obitum ſuum, ipſe cum Græcis & Syris optimè correxerit, teſtante Thegano